

四庫全書

集部

欽定四庫全書

御定全唐詩卷一百三十一

祖詠

祖詠洛陽人登開元十二年進士第與王維友善詩一卷

古意二首

夫差日淫放舉國求妃嬪自謂得王寵代間無美人碧羅象一作蒙天閣坐輦垂芳春宮女數千騎常遊江水濱

年深玉顏老時薄花妝新拭淚下金殿嬌多不顧身生
前妬歌舞死後同灰塵塚墓令人哀哀於銅雀臺

楚王竟何去獨自留巫山偏使世人見迢迢江漢一作水

間駐舟春谿一作澤裏誓願拜靈顏夢寤觀神女金沙鳴

珮環閒豔絕世姿令人氣力微含笑默一作竟不語化作

朝雲飛

渡淮河寄平一

天色混波濤岸陰匝村墅微微漢祖廟隱隱江陵渚雲

樹森已重時明鬱相拒

歸汝墳山莊留別盧象

淹留歲將宴久廢南山期舊業不見棄還山從此辭

漚入南澗刈麥

一作越楚

向東菑對酒雞黍熟閉門風雪時

非君一延首誰慰遙相思

漚麻四句洪邁取為絕句

夕次圃田店

前路

一作程

入鄭郊尚經百餘里馬煩時欲歇客歸程未

已落日桑柘陰遙村

一作林

烟火起西還不遑宿中夜渡

涇水

田家即事

舊居東臯上左右俯荒村樵路前傍嶺田家遙對門
歡娛始披拂愜意在郊原餘霽蕩川霧新秋仍晝昏
攀條憩林麓引水開泉源稼穡豈云倦桑麻今正繁
方求靜者賞偶與潛夫論雞黍何必具吾心知道尊

扈從御宿池

一本題作蘭峯
題張中丞九臯

君王既巡狩輦道

一作路

入秦京遠樹低槍壘孤峯

一作山

入幔城寒疎清禁漏夜警羽林兵誰念迷方客長懷魏
闕情

贈苗發員外

一作李端詩

宿雨朝來歇空山天氣清盤雲雙鶴下隔水一蟬鳴古
道黃花落平蕪赤燒生茂陵雖有病猶得伴君行

答王維留宿

四年不相見相見復何為握手言未畢却令傷別離升
堂還駐馬酌醴便呼兒語嘿自相對安用傍人知

長樂驛留別盧象裴總

朝來已握手宿別更傷心
灞水行人渡一作絕商山驛路

深故情君且足謫宦我難任
直道皆如此誰能淚滿襟

前四句洪邁
取為絕句

送劉高郵稅使入都

常聞積歸思昨夜又無秋
鄉路京華遠王程江水流
吳歌喧兩岸楚客醉孤舟
漸覺潮初上悽然多暮愁

宴吳王宅

吳王承國寵列第禁城東連夜徵詞客當春試舞童砌
分池水岸牕度竹林風更待西園月金尊樂未終

觀華嶽

西入秦關口南瞻驛路連彩雲生闕下松樹到祠邊作

鎮當官道雄都俯

一作為雄控

大川蓮

一作危

峯徑上處彷彿

有神仙

泗上馮使君南樓作

井邑連淮泗南樓向晚過望灘沙鷺起尋岸浴童歌近

海雲偏出蕪秋雨更多
明晨擬回棹鄉一作歸思恨風波

蘓氏別業

別業居幽處到來生隱心
南山當戶牖澧水映園林
屋一作竹覆經冬雪庭昏未夕陰
寥寥人境外閒坐聽春禽

汝墳別業

失路農為業移家到汝墳
獨愁常廢卷多病久離羣
鳥雀垂牕柳虹霓出澗雲
山中無外事樵唱有時聞

陸渾水亭

畫眺伊川曲

一作水

巖間霽色明淺沙平

一作明

有路流水

漫無聲浴鳥沿波聚潛魚觸釣驚更憐春岸綠幽意

一作

興滿前楹

過鄭曲

路向榮川谷

一作夕

晴來望盡通細煙生水上圓月在舟

中岸勢迷行客秋聲亂草蟲旅懷勞自慰浙浙有涼風

宿陳留李少府揆廳

相知有叔

一作李

卿訟簡夜彌清旅泊

一作宿

倦愁卧堂空

聞曙更風簾

一作簾

搖燭

一作竹

影秋雨帶蟲聲歸思那堪

說悠悠限洛城

中四句洪邁作絕句

題韓少府水亭

梅福幽棲處佳期不忘還鳥吟

一作啼

當戶竹花繞傍池

山水氣侵堦冷松

一作藤

陰覆座閒寧知武陵趣宛在市

朝間

題遠公經臺

蘭若無人到真僧出復稀苔侵行道席雲濕坐禪衣澗

鼠緣香案山蟬噪竹扉世間長不見寧止暫忘歸

中峯居喜見苗發

一作李端詩

自得中峰住深林亦閑關經秋無客到入夜有僧還暗澗泉聲小荒岡樹影閒高牕不可望星月滿空山

江南旅情

楚山不可極歸路但

一作客自

蕭條海色晴看雨江聲夜聽

潮劒留南斗近書寄北風遙為報空潭橘無媒寄

一作贈

洛橋

泊揚子津

一作岸

纔入維揚郡鄉關

一作山

此路

一作地

遙林藏

一作殘

初過

一作

雨風退欲歸潮江火明沙岸雲帆礙浦橋客衣今日

一作薄寒氣

一作夜

近

一作昨

來饒

晚泊金陵水亭

江亭當廢國秋景倍蕭騷夕照明殘壘寒潮漲古濠就
田看鶴大隔水見僧高無限前朝事醒吟易覺勞

七夕

閨女求天女更闌意未闌
玉庭開粉席羅袖捧金盤
向月穿鍼易臨風整線難
不知誰得巧明旦試相看

望薊門

燕臺一望

一作去

客心驚簫鼓喧喧漢將營
萬里寒光生

積雪三邊曙色動危

一作行

旌沙場烽火連胡月
海畔雲

山擁薊城少小雖非投筆吏
論功還欲請長纓

家園夜坐寄郭微

前堦微雨歇開戶散窺林
月出夜方淺水涼池更深餘

風生竹樹清露薄衣襟遇物遂遙歎懷人滋遠心依稀
成夢想影響絕微音誰念窮居者明時嗟陸沈

酬汴州李別駕贈

秋風多客思行旅厭艱辛自洛非才子遊梁得主人文

章叅末議榮賤豈同倫歎逝逢三演

一作世同王衍

懷賢憶四

一作法

真情因恩舊好契託死生親所媿能投贈清言益

潤身

清明宴司勳劉郎中別業

田家復近臣行樂不違

一作遺

親霽日園林好清明煙火

新以文長會友唯德自成鄰池照牕陰晚杯香藥味春
簷前花覆地竹外鳥窺人何必桃源裏深居作隱淪

汝墳秋同仙州王長史翰聞百舌鳥

秋天聞好鳥驚起出簾帷却念殊方月能鳴已後時遷

喬誠可早出谷此何遲顧影慙無對懷羣空

一作增

所思

淒涼歲欲晚蕭索燕

一作路

將辭留聽未終曲彌令心獨

悲高飛憑力致巧轉任天姿返覆知而靜間關斷若遺

花繁上林

一作苑

路霜落汝川湄且長凌風翮乘春自有

期

送丘為下第

滄江一身客獻賦空十年明主豈能好今人誰舉賢國
門稅征駕旅食謀歸旋皦日媚春水綠蘋香客船無媒
既不達予亦思歸田

贈苗發員外

朱戶敞高扉青槐凝落暉八龍乘慶重三虎遞一作地朝

歸坐竹人聲絕橫琴鳥語稀花慙潘岳貌年稱老萊衣
葉暗朱櫻熟絲長粉蝶飛應憐曾儒賤空與故山違

寄王長史

汝潁俱宿好往來託層巒終日何寂寞繞籬生蕙蘭

別怨

送別到中流秋船倚渡頭相看尚不遠未可即回舟


終南望餘雪

有司試此題詠賦四句
即納或詰之曰意盡

終南陰嶺秀積雪浮雲端林表明霽色城中增暮寒

句

不知疊嶂夜來雨
清曉石楠花亂流



御定全唐詩卷一百三十一

欽定四庫全書

集部

御定全唐詩卷一百三十四

詳校官庶吉士臣胡鈺

主事銜臣徐以坤覆勘

總校官知縣臣繆琪

校對官中書臣高中

勝錄監生臣竺清泰

欽定四庫全書

御定全唐詩卷一百三十二

李頎

李頎東川人家於潁陽擢開元十三年進士第官新鄉尉集一卷今編詩三卷

湘夫人

九疑日已暮三湘雲復愁宿靄羅袂色潺湲江水流佳

期來北渚捐佩

一作在芳洲

塞下曲

黃雲雁門郡日暮風沙裏千騎黑貂裘皆稱羽林子金
笳吹朔雪鐵馬嘶雲水帳下飲蒲萄平生寸心是

古塞下曲

行人朝走馬直指薊城傍薊城通漠北萬里別吾鄉海
上千烽火沙中百戰場軍書發上郡春色度河陽褭褭
漢宮柳青青胡地桑琵琶出塞曲橫笛斷君腸

漁父歌

白首何老人，蓑笠蔽其身。避世長不仕，釣魚清江濱。
浦沙明濯足，山月靜垂綸。寓宿湍與瀨，行歌秋復春。
持竿一作挽湘岸竹，爇火蘆洲薪。綠水飯香稻，青荷包紫鱗。
於中還自樂，所欲全吾真。而笑獨醒者，臨流多苦辛。

東京

一作郊

寄萬楚

落久無用，隱身甘采薇。仍聞薄宦者，還事田家衣。
潁水日夜流，故人相見稀。春山不可望，黃鳥東南飛。
濯足豈長往，一樽聊可依。一作持了然潭上月，適我胸中機。

昔同門友如今出處非優遊白虎殿偃息

一作出入

青瑣闥

且

一作日

有薦君表當看攜手歸寄書不待

一作代

面蘭茝

空芳菲

寄焦鍊師

得道凡百歲燒丹惟一身悠悠孤峰頂日見三花春
白鶴翠微裏黃精幽澗濱始知世上客不及山中
人仙境若在夢朝雲如可親何由覩顏色揮手謝
風塵

望鳴臯山白雲寄洛陽盧主簿

飲馬伊水中白雲鳴皋上氛氲山絕頂行子時一望照
日龍虎姿攢空冰雪狀崙嵒殊未已峻嶒忽相向皎皎
橫綠林霏霏澹青嶂遠映村更失孤高鶴來傍勝氣欣
有逢仙遊且難訪故人吏京劇每事多閒放室畫峨嵋
峯心格一作搖洞庭浪惜哉清興裏不見子所尚

寄萬齊融

名高不擇仕委世隨虛舟小邑常歎屈故鄉行可遊青
楓半村戶香稻盈田疇為政日清淨何人同海鷗搖巾

北林夕把菊東山秋對酒池雲

一作風

滿向家湖水流岸

陰止鳴鵲山色映潛虬靡靡俗中理蕭蕭川上幽昔年

至吳

一作東

郡常隱臨

一作憶卧

江樓我有一書札因之芳杜

洲

贈張旭

張公性嗜酒豁達無所營皓首窮草隸時稱太湖精露
頂據胡牀長呌三五聲興來灑素壁揮筆如流星下舍
風蕭條寒草滿戶庭問家何所有生事如浮萍左手持

蟹螯右手執丹經瞪目視霄漢不知醉與醒諸賓且方
坐旭日臨東城荷葉裹江魚白甌貯香秬微祿心不屑
放神於八紘時人不識者即是安期生

贈蘇明府

蘇君年幾許狀貌如玉童采藥傍梁宋共言隨日翁常
辭小縣宰一往東山東不復有家室悠悠人世中子孫
皆老死相識悲轉蓬髮白還更黑身輕行若風汎然無
所繫心與孤雲同出入雖一作一杖一作安然知始終

願聞素女事去采山花叢誘我為弟子逍遙尋葛洪

登首陽山謁夷齊廟

古人已不見喬木竟誰過寂寞首陽山白雲空復多蒼
苔歸地骨皓首采薇歌畢命無怨色成仁其若何我來
入遺廟時候微清

一作辨淳

和落日弔山鬼回風吹女蘿石

崖向

一作門正

西豁引領望黃河千里一飛鳥孤光東逝波

驅車層城路惆悵此巖阿

謁張果先生

先生谷神者甲子焉能計自說軒轅師于今幾千歲寓
遊城郭裏浪跡希夷際應物雲無心逢時舟不繫餐霞
斷火粒野服蕪荷製白雪淨肌膚青松一作春養身世韜

精殊豹隱鍊骨

一作質

同蟬蛻忽去不知誰偶來寧有契

二儀齊壽考六合隨

一作同

休憇彭聃猶嬰孩松期且微

細嘗聞穆天子更憶漢皇帝親屈萬乘尊將窮四海裔
車徒徧草木錦帛招談說八駿空往還三山轉虧蔽吾
君感至德玄老欣來詣受錄金殿開清齋玉堂閉笙歌

迎拜首羽帳崇嚴衛禁柳垂香鑪宮花拂仙袂祈年寶
祚廣致福蒼生惠何必待龍髯鼎成方取濟

光上座廊下衆山五韻

名嶽在廡下

一作廊

吾師居一牀每聞楞伽經只對清翠

光百谷聚雪色莓苔侵屋梁氣盤古壁轉勢引幽堦長
願遊薜蘿下日見金鑪香

九月九日劉十八東堂集

風俗尚九日此情安可忘菊花辟惡酒湯餅茱萸香雲

入授衣假風吹閒宇涼主人盡歡意林景晝微茫清切
晚砧動東西歸鳥行淹留悵為別日醉秋雲光

宋少府東谿泛舟

登岸還入舟水禽驚笑語晚葉低衆色濕雲帶殘一作繁
暑落日乘醉歸溪流復幾許

與諸公遊濟瀆泛舟

濟水出王屋其源來不窮洑泉數眼沸平地流清通皇
帝崇祀典詔書視三公分官禱靈廟奠璧沈河宮神應

每如荅松篁氣葱蘢蒼螭送飛雨赤鯉噴迴風灑酒布
瑤席吹簫下玉童玄冥掌陰事祝史告年豐百谷趨潭
底三光懸鏡中淺深露沙石蘋藻生虛空晚景臨汎美
亭臯輕靄紅晴山傍舟楫白鷺鷥絲桐我本家潁北開
出一作門見維嵩焉知松峰外又一作有天壇東左手正
接羅浩歌眇青穹夷猶傲清吏偃仰狎漁翁對此川上
閒非君誰與同霜凝遠村渚月淨蕪葭叢茲境信難遇
為歡殊未終淹留悵言別烟嶼夕微濛

送蔡母三謁房給事

夫子大名下家無鍾石儲惜哉湖海上曾校蓬萊書外
物非本意此生空澹如所思但乘興遠適唯單車高道
時坎坷故交願吹噓徒言青瑣闥不愛承明廬百里人
戶滿片言爭訟疎手持蓮花經目送飛鳥餘晚景南路
別炎雲中伏初此行儻不遂歸食蘆洲魚

送劉四

愛君少岐嶷高視白雲鄉九歲能屬文謁帝遊明光奉

詔赤墀下拜為童子郎爾來屢遷易三度尉洛陽洛陽
十二門官寺鬱相望青槐羅四面淶水貫中央聽訟破
秋毫應物利千將辭滿如脫屣立言無否臧歲暮風雪
暗秦中川路長行人飲臘酒立馬帶晨霜生事豈須問
故園寒草荒從今署右職莫笑在農桑

送襄騰

養德為衆許森然此丈夫放情白雲外爽氣連虬鬚衡
鏡合知子公心誰謂無還令不得意單馬遂長驅桑野

蠶忙時憐君久踟躕新晴荷卷葉孟夏雉將雛令弟為
縣尹高城汾水隅相將簿領閒倚望恒峰孤香露團一作
百草紫梨分萬株歸來授衣假莫使故園蕪

送司農崔丞

黃鸝鳴官寺香草色未已同時皆省郎而我獨留此維
監太倉粟常對府小吏清陰羅廣庭政事如流水奉使
往長安今承朝野歡宰臣應記識明主必遷官塞外貔
將虎池中駕與鸞詞人洞簫賦公子鵷鷺冠邑里春方

晚昆明花欲闌行行取高位當使路傍看

送崔侍御赴京

綠槐蔭長路駿馬垂青絲柱史謁承明翩翩將有期
官大朝日奏事臨赤墀肅肅儀仗裏風生鷹隼姿一從
登甲科三拜皆憲司按俗又如此為郎何太遲送君暮
春月花落城南陲惜別醉芳草前山勞夢思

春送從叔遊襄陽

言別恨非一棄置我宗英向用五經笥今為千里行襄

糧顧庭草羸馬詰朝鳴斗酒對寒食雜花宜晚晴春衣
采洲路夜飲南陽城客夢峴山曉漁歌江水清楚俗少
相知遠遊難稱情同人應館穀刺史在郊迎只合侍丹
宸翻令辭上京時方春欲暮歎息向流鶯

贈別高三十五

五十無產業心輕百萬資屠酤亦與羣不問君是誰飲
酒或垂釣狂歌兼詠詩焉知漢高士莫識越鵝夷寄跡
棲霞山蓬頭睢水渚忽然辟命下衆謂趨丹墀沐浴著

賜衣西來馬行遲能令相府重且有函關期僂俛從寸
祿舊遊梁宋時皤皤邑中叟相候鬢如絲官舍柳林靜
河梁杏葉滋摘芳雲景宴把手秋蟬悲小縣情未愜折
腰君莫辭吾觀主一作聖人意不久召京師

崔五宅送劉政入京

行人惜寸景繫馬暫留歡昨日辭小沛何時到長安鄉
中飲酒禮客裏行路難清洛雲鴻度故關風日寒維將
道可樂不念身無官生事東山遠田園芳歲闌東歸余

謝病西去子加餐
宗伯非徒爾明時
正可干躬耕守貧
賤失計在林端
宿昔奉顏色慙無
雙玉盤

送馬錄事赴永陽

一作嘉

子為郡從事主印
清淮邊談笑一州
裏從容羣吏先手
持三尺令遣決如
流泉太守既相許
諸公誰不然孤城
連海樹萬室帶山
烟春日谿湖淨芳
洲葭莢連炊秔蟹
螯熟下筍鱸魚鮮
野鶴宿簷際楚雲
飛面前聽歌送離
曲且駐木蘭船贈
爾八行字當聞佳
政傳

臨別送張謹入蜀

出門便為客惘然悲徒御四海維一身茫茫欲何去經

山復歷水百恨將千慮劒閣望一作送梁州是君斷腸處

孤雲傷客心落日感君深夢裏蕪葭渚一作幕江畔天邊橘

柚林蜀江流不測蜀路險難尋木有相思號猿多愁苦

音莫向愚山隱愚山地非近故鄉可歸來眼見芳菲盡

送王昌齡

漕水東去遠送君多暮情淹留野寺出向背孤山明前

望數千里中無蒲稗生夕陽滿舟楫但愛微波清舉酒
林月上解衣沙鳥鳴夜來蓮花界夢裏金陵城歎息此
離別悠悠江海行

留別王盧二拾遺

此別不可道此心當報誰春風灞水上飲馬桃花時誤
作好文士只令遊宦遲留書下朝客我有故山期

贈別穆元林

貳職久辭

一作九載

滿藏名三十年丹墀策頻獻白首官不

遷明主日徵士吏曹何忽賢空懷濟世業欲棹滄浪船
舉酒洛門外送君春海邊彼鄉有令弟小邑試烹鮮轉
浦雲壑媚涉江花鳥連綠芳暗楚水白鳥飛吳烟贈賸
亦奚貴流亂期早旋金閨會通籍生事豈徒然

不調歸東川別業

寸祿言可取託身將見遺慙無匹夫志悔與名山辭紱
冕謝知己林園多後時葛巾方濯足蔬食但垂帷十室
對河岸漁樵祇在茲青郊香杜若白水映茅茨晝景徹

雲樹夕陰澄古

一作石

遠渚花獨開晚田鶴靜飛遲且復

樂生事前賢為我師清歌聊鼓楫永日望佳期

晚歸東園

出郭喜見山東行亦未遠夕陽帶歸路

一作鷺

靄靄秋稼

晚樵者垂霽歸野夫

一作人

及星飯請謝朱輪客垂竿不

復返

龍門西峰曉望劉十八不至

春臺臨永路跂足望行子片片雲觸峯離離鳥渡水叢

林遠山上霽景

一作色

雜花裏不見攜手人下山采綠芷

裴尹東溪別業

公才

一作朝

廊廟器官亞河南守別墅臨都門驚湍激前

後舊交與羣從十日一攜手幅巾望寒山長嘯對高柳

清歡信可尚散吏亦何有岸雪清城陰水光遠

一作搖

林

首閒觀野人筏或飲川上酒幽雲澹徘徊白鷺飛左右
庭竹垂卧內村烟隔南阜始知物外情簪紱同芻狗

無盡上人東林禪居

草堂每多暇時謁山僧門所對但羣木終朝無一言我心愛流水此地臨清源含吐山上日蔽虧松一作雲外村

孤峯隔身世百衲老寒暄禪戶積朝雪花龕來暮猿顧余守耕稼十載隱田園蘿篠慰春汲巖潭忘討論洩雲

豈知限至道莫探元且願啟關鎖一作於焉微尚存

題綦母校書別業

常稱挂冠吏昨日歸滄洲行客暮帆遠主人庭樹秋豈

伊問一作得天命但欲為山遊萬物我何有白雲空自幽

蕭條江海上日夕見丹丘生事非

一本

漁釣賞心隨去

留惜哉曠微月欲濟無輕舟倏忽令人老相思河水流

題盧道士房

秋砧響落木共坐茅君家惟見兩童子林前汲井華空
壇靜白日神鼎飛丹砂塵尾拂霜草金鈴搖霽霞上章
人世隔看奕桐陰斜稽首問仙要黃精堪餌花

題神力師院

大師神傑貌五嶽森禪房堅持日月珠豁見滄江長隨

病拔諸苦致身如法王階庭藥草徧飯食天花香樹色
向高閣晝陰橫半墻每聞第一義心淨琉璃光

題僧房雙桐

青桐雙拂日傍帶凌霄花綠葉傳僧磬清陰潤井華誰
能事音律焦尾蔡邕家

祭公院各賦一物得初荷

微風和衆草大

一作木

葉長圓陰晴露珠共

一作垂

合夕陽

花映深從來不著水清淨本因心

李兵曹壁畫山水各賦得桂水帆

片帆浮

一作在

桂水落日天涯時飛鳥看共度閑雲相與

遲長波無曉夜泛泛欲何之

題合歡

開花復卷葉豔眼又驚心蝶遶西枝露風披東幹陰黃
衫漂細藥時拂女郎砧

御定全唐詩卷一百三十二

欽定四庫全書

御定全唐詩卷一百三十三

李頎

古從軍行

白日登山望烽火，
黃昏飲馬傍交河。
行人刁斗風沙暗，
公主琵琶幽怨多。
野雲萬里無城郭，
雨雪紛紛連大漠。
胡鴈哀鳴夜夜飛，
胡兒眼淚雙雙落。
聞道玉門猶被遮，
應將性命逐輕車。
年年戰骨埋荒外，
空見蒲桃入漢家。

行路難

漢家名臣楊德祖四代五公享茅土父子兄弟綰銀黃
躍馬鳴珂朝建章火浣單衣繡方領茱萸錦帶玉盤囊
賓客填街復滿座一作堂片言出口生輝光世人逐勢爭
奔走瀝膽隳肝惟恐後當時一顧登青雲自謂生死長
隨君一朝謝病還鄉里窮巷蒼苔絕知己秋風落葉閉
重門昨日論交竟誰是薄俗嗟嗟難重陳深山麋鹿可
為鄰魯連所以蹈東海古往今來稱達人

緩歌行

小來託身攀貴遊，傾財破產無所憂。暮擬

一作夜

經過石

渠，署朝將出入銅龍樓。結交杜陵輕薄子，謂言可生復

可死。一沈一浮會有時，棄我翻然如脫屣。男兒立身須

自強，十年閉戶潁水陽。業就功成見明主，擊鐘鼎食坐

華堂。二八蛾眉梳墮馬，美酒清歌曲房下。文昌宮中賜

錦衣，長安陌上退朝歸。五陵

一作侯

賓從莫敢視，三省官

僚揖者稀。早知今日讀書是，悔作從前任

一作來狂

俠非

兒

琴歌

主人有酒歡今夕請奏鳴琴廣陵客月照城頭烏半飛
霜淒萬樹風入衣銅鑪華燭增輝初彈淥水後楚妃
一聲已動物皆靜四座無言星欲稀清淮奉使千餘里
敢告雲山從此始

放歌行荅從弟墨卿

小來好文恥學武世上功名不解取雖沾寸祿已後時

徒欲出身事明主
柏梁賦詩不及宴
長楸走馬誰相數
斂迹俛耆心
自甘高歌擊節聲
半苦由是蹉跎一老夫
養雞牧豕東城隅
空歌漢代蕭相國
肯事霍家馮子都
徒爾當年聲籍籍
濫作詞林兩京客
故人斗酒安陵橋
黃鳥春風洛陽陌
吾家令弟才不羈
五言破的人共推
興來逸氣如濤湧
千里長江歸海時
別離短景何蕭索
佳句相思能間作
舉頭遙望魯陽山
木葉紛紛向人落

王母歌

武皇齋戒承華殿端拱須臾王母見霓旌照耀麒麟車

羽蓋淋漓孔雀扇手指交梨遣帝食可以長生臨寓縣

頭上復

一作上
元頭

戴九星冠總領玉童坐南面欲聞要言

今告汝帝乃焚香請此語若能鍊魄去三尸後當見我

天皇所顧謂侍女董雙成酒闌可奏雲和笙紅霞白日

儼不動七龍五鳳紛相迎惜哉志驕神不悅歎息馬蹄

與車轍複道歌鐘香將暮深宮桃李花

一作飛

成雪為一作

但看青玉五枝燈蟠螭吐火

一作火盡

光欲

一作已

絕

鮫人歌

鮫人潛織水底居側身上下隨遊

一作龍

魚輕綃文綵不

可識夜夜澄波連

一作流

月色有時寄宿來城市海島青

冥無極已泣珠報恩君莫辭今年相見明年期始知萬
族無不有百尺深泉架戶牖鳥沒空山誰復望一望雲
濤堪白首

夏宴張兵曹東堂

重林華屋堪避暑況乃烹鮮會佳客主人三十朝大夫

滿座森然見矛戟北窓卧簟連心花竹裏蟬鳴西日斜
羽扇搖風却珠汗玉盆貯水割甘瓜雲峰峨峨自冰雪
坐對芳樽不知熱醉來但挂葛巾眠莫道明朝有離別

同張員外諛酬答之作

洛中高士日沈冥手自灌園方帶經王湛牀頭見周易
長康傳裏好丹青鷗冠葛屨無名位博奕賦詩聊遣意
清言只到衛家兒用筆能誇鍾太尉東籬二月種蘭蓀
窮巷人稀鳥雀喧聞道郎官問生事肯令鬢髮老柴門

欲之新鄉答崔顥綦母潛

數年作吏家屢空誰道黑頭成老翁男兒在世無產業
行子出門如轉蓬吾屬交歡此何夕南家擣衣動歸客
銅鑪將炙相歡飲星宿縱橫露華白寒風卷葉度滄茫
飛雪布一作覆地悲峨峨孤城日落見棲鳥馬上時聞漁
者歌明朝東路把君手臘日辭君期歲首自知寂寞無
去思敢望縣人致牛酒

答高三十五留別便呈于十一

累薦賢良皆不就家近陳留訪者舊韓康雖復在人間
王霸終思隱巖竇清冷池水灌園蔬萬物滄江心澹如
妻子歡同五株柳雲山老一作元對一牀書昨日公車見
三事明君賜衣遣為吏懷章不使郡邸驚待詔初從闕
庭至散誕由來自不羈低頭授職爾何為故園壁挂烏
紗帽官舍陳生白接羅寄書寂寂於陵子蓬蒿沒身胡
不仕藜羹被褐環堵中歲晚將貽故人恥

送康洽入京進樂府歌

識子十年何不遇只愛歡遊兩京路朝吟左氏嬌女篇
夜誦相如美人賦長安春物舊相宜小苑蒲萄花滿枝
柳色偏濃九華殿鶯聲醉殺五陵兒曳裾此日從何所
中貴由來盡相許白袂春衫仙吏贈烏皮隱几臺郎與
新詩樂府唱堪愁御妓應傳鵲樓西上雖因長公主
終須一見曲陵一作侯

送劉十一

一作劉十一

三十不官亦不娶時人焉識道高下房中唯有老氏經

檻上空餘少遊馬往來蒿華與函秦放歌一曲前山春
西林獨鶴引閒步南澗飛泉清角巾前年上書不得意
歸卧東窓兀然醉諸兄相繼掌青史第五之名齊驃騎
烹葵摘果告我行落日夏雲縱復橫聞道謝安掩口笑
知君不免為蒼生

送王道士還山

嵩陽道士餐柏實居處三花對石室心窮伏火陽精丹
口誦淮王萬畢術自言神訣不可求我師聞之玄圃遊

出入彤庭佩金印承恩赫赫如王侯雙峰樹下曾受業
應傳肘後長生法吾聞仙地多後身安知不是具茨人
玉膏清泠瀑泉水白雲谿中日方此從今不見數十年
鬢髮顏容只如是先生捨我欲何歸竹杖黃裳登翠微
當有巖前白蝙蝠迎君日暮雙來飛

別梁鉉

梁生個儻心不羈途窮氣益長安兒回頭轉盼似鵬鷃
有志飛鳴人豈知雖云四十無祿位曾與大軍掌書記

抗辭請刃誅部曲作色論兵犯二帥一言不合龍頷侯
擊劒拂衣從此棄朝朝飲酒黃公壚脫帽露頂爭叫呼
庭中犢鼻昔嘗挂懷裏琅玕今在無時人見子多落魄
共笑狂歌非遠圖忽然遣躍紫騮馬還是昂藏一丈夫
洛陽城頭曉霜白層冰峨峨滿川澤但聞行路吟新詩
不歎舉家無擔石莫言貧賤長可欺覆篋成山當有時
莫言富貴長可託木槿朝看暮還落不見古時塞上翁
倚伏由來任天作去去滄波勿復陳五湖三江愁殺人

送從弟遊江淮兼謁鄱陽劉太守

都門柳色朝朝新
念爾今為江上人
穆陵關帶清風遠
彭蠡湖連芳草春
泊舟借問西林寺
曉聽猿聲在山翠
潯陽北望鴻鴈回
湓水東流客心醉
須知聖代舉賢良
不使遺才滯一方
應見鄱陽虎符守
思歸共指白雲鄉

雙筍歌送李回兼呈劉四

並抽新筍色漸綠
迴出空林雙碧玉
春風解箨雨潤根
一枝半葉清露痕
為君當面拂雲日
孤生四遠何足論

再三抱此悵為別嵩洛故人與之說

送劉四赴夏縣

九霄特立紅鸞姿萬仞孤生玉樹枝劉侯致身能若此
天骨自然多歎美聲名播揚二十年足下長途幾千里
舉世皆親丞相閣我心獨愛伊川水脫畧勢利猶埃塵
嘯傲時人而已矣新詩數歲即文雄上書昔召蓬萊宮
明主拜官麒麟閣光車駿馬看玉童高人往來廬山遠
隱士往來張長公扶南甘蔗甜如蜜雜以荔枝龍州橘

赤縣繁詞滿劇曹白雲孤峯暉永日朝持手板望飛鳥
暮誦楞伽對空室一朝出宰汾河間明府下車人吏閒
端坐訟庭更無事開一作開門咫尺巫咸山男耕女織蒙
惠化麥熟雞鳴長秋稼明年九府議功時五辟三徵當
在茲聞道桐鄉有遺老邑中還欲置生祠

少室雪晴送王寧

少室衆峯幾峰別一峰晴見一峰雪隔城半山連青松
素色峨峨千萬重過景斜臨不可道白雲欲盡難為容

行人與我翫幽境北風切切吹衣冷惜別浮橋駐馬時
舉頭試望南山嶺

送陳章甫

四月南風大麥黃棗花未落桐陰長青山朝別暮還見
嘶馬出門思舊鄉陳侯立身何坦蕩虬鬚虎脊仍大顙
腹中貯書一萬卷不肯低頭在草莽東門酤酒飲我曹
心輕萬事皆一作如鴻毛醉卧不知白日暮有時空望孤
雲高長河浪頭連天黑津口一作吏停舟渡不得鄭國遊

人未及家洛陽行子空歎息聞道故林相識多罷官昨日今如何

聽安萬善吹觱篥歌

南山截竹為觱篥此樂本自龜茲出流傳漢地曲轉奇涼州胡人為我吹傍鄰聞者多歎息遠客思鄉皆淚垂世人解聽不解賞長飈風中自來往枯桑老柏寒飈飈九雛鳴鳳亂啾啾龍吟虎嘯一時發萬籟百泉相與秋忽然更作漁陽摻黃雲蕭條白日暗變調如聞楊柳春

上林繁花照眼新
歲夜高堂列明燭
美酒一杯聲一曲
魏倉曹東堂桺樹

愛君雙桺一樹奇
千葉齊生萬葉垂
長頭拂石帶烟雨
獨立空山人莫知
攢青蓄翠陰滿屋
紫穗紅英曾斷目
洛陽墨客遊雲間
若到麻源第三谷

照公院雙橙

種橙夾堦生得地
細葉隔簾見雙翠
抽條向長未及肩
泉水遶根日三四
青青何必楚人家
帶雨凝烟新著花

永願香爐灑甘露
夕陽時映東枝斜
南庭黃竹爾不敵
借問何時堪挂錫

愛敬寺古藤歌

古藤池水盤樹根
左攫右拏龍虎蹲
橫空直上相陵突
丰茸離纚若無骨
風雷霹靂連黑枝
人言其下藏妖魑
空庭落葉乍開合
十月苦寒常倒垂
憶昨花飛滿空殿
密葉吹香飯僧遍
南塔雙桐一百尺
相與年年老霜霰
崔五六圖屏風各賦一物得爲孫佩刀

烏孫腰間佩兩刀，刃可吹毛錦為帶。
握中枕宿穹廬室，馬上割飛螭。
螭塞執之魍魎，誰能前氣凜清風。
沙漠邊磨用陰山一片石，洗將胡地獨流泉。
主人屏風寫奇狀，鐵鞘金銀儼相向。
回頭瞪目時一看，使予心在江湖上。

古意

男兒事長征

一作生

一作小

幽燕客賭勝馬蹄下，由來

輕七尺殺人莫敢前，鬚如蝟毛磔黃雲。
隴底白雪飛未

得報恩不能

一作得

歸遼東。小婦年十五，慣彈琵琶解歌

舞今

一作合

為羌笛出塞聲使我三軍淚如雨

采蓮

一作放歌行

越溪女越溪蓮齊茁雙嬋娟嬉遊向何處采摘且同
船浩唱發容與清波生漪漣時逢島嶼泊幾伴鴛鴦眠
襟袖既盈溢馨香亦相傳薄暮歸去來苧羅生碧烟

雜興

沈沈牛渚磯舊說多靈怪行人夜秉生犀燭洞照洪深
闊滂湃乘車駕馬往復旋赤紱朱冠何偉然波驚海若

潛幽石龍抱胡髯卧黑泉水濱丈人曾有語物或惡之
當害汝武昌妖夢果為災百代英威埋鬼府青青蘭艾
本殊香察見泉魚固不祥濟水自清河自濁周公大聖
接輿狂千年魑魅逢華表九日茱萸作佩囊善惡死生
齊一貫祇應斗酒任蒼蒼

絕纓歌

楚王宴客章華臺章華美人善歌舞玉顏豔豔空相向
滿堂目成不得語紅燭滅芳酒闌羅衣半醉春夜寒絕

纓解帶一為歡君王赦過不之罪暗中珠翠鳴珊珊寧
愛賢不愛色青娥買死誰能識果却一一作三軍全社稷

鄭櫻桃歌

石季龍寵惑優僮鄭櫻桃而殺妻郭氏更納清河崔氏櫻桃又譖而殺之

櫻桃美麗擅寵宮掖樂府由是有鄭櫻桃歌

石季龍僭天祿擅雄豪美人姓鄭名櫻桃櫻桃美顏香
且澤娥娥侍寢專宮掖後庭卷衣三萬人翠睂清鏡不
得親宮軍女騎一千匹繁花照耀漳河春織成花映紅

綸巾

李龍以女騎一千為鹵簿皆著紫綸巾五文織成

紅旗掣曳鹵簿新鳴輦

走馬接飛鳥銅駝瑟瑟隨去塵鳳陽重門如意館百尺
金梯倚銀漢自言富貴不可量女為公主男為王赤花
雙簾珊瑚牀盤龍斗帳琥珀光淫昏偽位神所惡滅石
者陵終不悟鄴城蒼蒼白露微世事一作浮世翻覆黃雲飛

送劉昱

八月寒葦花秋江浪頭白北風吹五兩誰是潯陽客鷗
鷗山頭微雨晴揚州郭裏暮潮生行人夜宿金陵渚試

聽沙邊有

一作南

鴈聲

送郝判官

楚城水葉落夏口青山遍

一作轉

鴻雁向南時君乘使者

傳楓林帶水驛夜火明山縣千里送行人蔡州如眼見
江連清漢東逶迤遙望荆雲相蔽虧應問襄陽舊風俗
為余騎馬習家池

送劉方平

綺紈遊上國多作少年行二十工詞賦惟君著美名童
顏且白暫佩德如瑤瓊荀氏風流盛胡家公子清有才

不偶誰之過肯即藏鋒事高卧洛陽草色猶自春遊子
東歸喜拜親漳水橋頭值鳴鴈朝歌縣北少行人別離
斗酒心相許落日青郊半微雨請君騎馬望西陵為我
殷勤弔魏武

聽董大彈胡笳聲兼寄語弄房給事

一本題作
聽董庭蘭

彈琴兼寄
房給事

蔡女昔造胡笳聲一彈一十有八拍胡人落淚沾一作向
邊草漢使斷腸對歸客古戍蒼蒼烽火寒大荒沈沈飛

雪白先拂商弦後角羽四郊秋葉驚撼撼董夫子通神

明深山

一作松

竊聽來妖精調遲更速皆應手將往復旋

如有情空山百鳥散還合萬里浮

一作孤

雲陰且晴嘶酸

雛鴈失羣夜斷絕胡兒戀母聲川為淨其波鳥亦罷其
鳴烏孫部落家鄉遠邏娑沙塵哀怨生幽音變調忽飄
灑長風吹林雨墮瓦迸泉颯颯飛木末野鹿呦呦走堂
下長安城連東掖垣鳳凰池對青瑣門高才脫畧名與
利日夕望君抱琴至

彈碁歌

崔侯善彈碁，巧妙盡於此。藍田美玉清如砥，白黑相分十二子。聯翩百中皆造微，魏文手巾不足比。緣邊度隴未可嘉，鳥跂星懸危。

一作正

復斜迴，颺轉指速飛。電拂四

取五旋風花。

一作拂取四
五如旋花

坐中

一作上

齊聲稱絕藝，仙人

六博何能

一作曾

繼一

別常山道路遙，為余更作三五

一作

雨勢

送山陰姚丞攜妓之任，兼寄蘇少府

東風香草路南客心容與白晝吳王孫青蛾柳家女都
門數騎出河口片帆舉夜簟眠橘洲春衫傍楓嶼山陰
政簡甚從容到罷惟求物外蹤落日花邊剡溪水晴烟
竹裏會稽峰才子風流蘇伯玉同官曉暮應相逐加餐
共愛鱸魚肥醒酒仍憐甘蔗熟知君練思本清新季子
如今得為鄰他日知尋始寧墅題詩早晚寄西人

御定全唐詩卷一百三十三

欽定四庫全書

御定全唐詩卷一百三十四

李頎

塞下曲

少年學騎射勇冠并州兒
直愛出身早邊功沙漠垂戎
鞭腰下插羗笛雪中吹
臂力今應盡將軍猶未知

寄鏡湖朱處士

澄霽晚流闊微風吹綠蘋
鱗鱗遠峰見淡淡平湖春芳

草日堪把白雲心所親何時可為樂夢裏東山人

宴陳十六樓

樓枕金谷

西樓對金谷此地古人心白日落庭內黃花生澗陰四鄰見疎木萬井度寒砧石上題詩處千年留至今

送相里造入京

子月過秦正寒雲覆洛城嗟君未得志猶作苦辛行煖酒嫌衣薄瞻風候雨晴春官含笑待驅馬速前程

送錢子入京

夜夢還京北鄉心恨擣衣朝逢入秦使走馬喚君歸驛
路清霜下關門黃葉稀還家應信宿看子速如飛

送綦毋三寺中賦得紗燈

禪室吐香燼輕紗籠翠烟長繩挂青竹百尺垂紅蓮熠
燭衆星下玲瓏雙塔前含光待明發此別豈徒然

送人尉閩中

可歎芳菲日分為萬里情閨門折垂柳御苑聽殘鶯海
戍通閩邑江航過楚城客心君莫問春草是王程

送人歸沔南

梅花今正發失路復何如
舊國雲山在新年風景餘
春饒漢陽夢日寄武陵書
可即明時老臨川莫羨魚

送盧逸人

洛陽為此別攜手更何時
不復人間見祇應海上期
清谿入雲木白首卧茅茨
共惜盧敖去天邊望所思

送顧朝陽還吳

寂寞俱不偶裹糧空入秦
宦途已可識歸卧包山春
舊

國指飛鳥滄波愁旅人開樽洛水上怨別柳花新

送竇參軍

城南送歸客舉酒對林巒暄鳥迎風轉春衣度雨寒桃花開翠幕柳色拂金鞍公子何時至無令芳草闌

望秦川

秦川朝望迴日出正東峰遠近山河淨逶迤城闕重秋聲萬戶竹寒色五陵松客有歸歟歎悽其霜露濃

晚歸東園

荆扉帶郊郭稼穡滿

一作向

東菑倚杖寒山暮鳴梭秋葉

時回雲覆陰谷返景照霜梨澹泊真吾事清風別自茲

覺公院施烏石臺

石臺置香飯齋後施諸禽童子亦知善眾生無懼心苔
痕蒼曉露盤勢出香林錫杖或圍繞吾師一念深

籬筍

東園長新筍映日復穿籬迸出依青嶂攢生伴綠池色

一作密

因林向背行逐地高卑但恐春將老青青獨爾為

達奚吏部夫人寇氏挽歌

存歿令名傳青青松栢田事姑稱孝婦生子繼先賢露
濕銘旌重風吹鹵簿前陰堂從此閉誰誦女師篇

寄司勳盧員外

流澌臘月下河陽草色新年發建章秦地立春傳太史
漢宮題柱憶仙郎歸鴻欲度千門雪侍女新添五夜香
早晚薦雄文似者故人今已賦長楊

寄綦母三

新加大邑綬仍黃近與單車去洛陽
顧盼一過丞相府
風流三接令公香
南川稷稻花侵縣
西嶺雲霞色滿堂
共道進賢蒙上賞
看君幾歲作臺郎

送魏萬之京

朝聞遊子唱離歌
昨夜微霜初渡河
鴻鴈不堪愁裏聽
雲山況是客中過
關城樹一作曙色催寒近
御苑砧聲向晚多
莫見長安行樂處
空令歲月易蹉跎

送李回

知君官屬大司農
詔幸驪山職事雄
歲發金錢供御府
晝看仙液注離宮
千巖曙雪旌門上
十月寒花輦路中
不覩聲明與文物
自傷流滯去關東

宿瑩公禪房聞梵

花宮仙梵遠微微
月隱高城鐘漏稀
夜動霜林驚落葉
曉聞天籟發清機
蕭條已入寒空靜
颼沓仍隨秋雨飛
始覺浮生無住著
頓令心地欲皈依

題璿公山池

遠公遯跡廬山岑開士

一作山

幽居祇樹林片石孤峯窺

色相清池皓

一作白

月照禪心指揮如意天花落坐卧閒

房春草深此外俗塵都不染惟餘玄度得相尋

題盧五舊居

物在人亡無見期閒庭繫馬不勝悲窗前綠竹生空地
門外青山如舊時悵望秋天鳴墜葉巔岼枯柳宿寒鴟
憶君淚落東流水歲歲花開知為誰

贈別張兵曹

漢家蕭相國功益五諸侯動葉河山重丹青錫命優君
為禁鬻壻爭看玉人遊荀令焚香日潘郎振藻秋新成
鸚鵡賦能衣鸛鵒裘不憚軒車遠仍尋薜荔幽苑梨飛
絳葉伊水淨寒流雪滿故關道雲遮祥鳳樓一身輕寸
祿萬物任虛舟別後如相問滄波雙白鷗

宿香山寺石樓

夜宿翠微半高樓聞暗泉漁舟帶遠火山磬發孤烟衣
拂一作殿壯雲松外門清河漢邊峰巒低枕席世界接人天

靄靄花出霧輝輝星映川東林曙鶯滿惆悵欲言旋

聖善閣送裴迪入京

雲

一作雪

華滿

一作斂

高閣苔色上鈎欄藥草空堦靜梧桐

返照寒清吟可愈疾攜手暫同歡墜葉和金磬饑鳥鳴

露盤伊流

一作川

惜東別灞水向西看舊託含香署雲霄

何足難

奉送漪叔遊潁川兼謁淮陽太守

罷吏今何適辭家方獨行嵩陽入歸夢潁水半前程聞

道淮陽守東南卧理清郡齋觀政日人馬望鄉情疊嶺
雪初霽寒砧霜後鳴臨川嗟拜手寂寞事躬耕

二妃廟送裴侍御使桂陽

沅上秋草晚

一作色

蒼蒼堯女祠無人見精魄萬古寒猿

悲桂水身歿後椒漿神降時回雲迎赤豹驟雨颯文狸

一作驟文螭

受命出炎海焚香徵楚詞乘驄感遺跡一弔

清川渚

送暨道士還玉清觀

仙宮

一作官

有名籍度世吳江濱大道本無我青春長與

君中州

一作洲

俄已到至理得而聞明主降黃屋時人看

白雲空山何窈窕三秀日氛氲遂此

一作此道

留書客超遙

烟駕分

送劉主簿歸金壇

與子十年舊其如離別何宦遊鄰故國歸夢是滄波京
口青山遠金陵芳草多雲帆曉容裔江日晝清和縣郭
舟人飲津亭漁者歌茅山有仙洞羨爾再經過

送盧少府赴延陵

問君從宦所何日府中趨遙指金陵縣青山天一隅行
人懷寸祿小吏獻新圖北固波濤險南天一作川風俗殊

春江

一作山

連橘抽晚景媚菰蒲漠漠花生渚亭亭雲過

湖灘沙映村火水霧斂檣烏回首東門路鄉書不可無
送皇甫曾遊襄陽山水兼謁韋太守

峴山枕襄陽滔滔江漢長山深卧龍宅水淨斬蛟鄉元
凱春秋傳昭明文選堂風流滿今古烟島思微茫白鴈

暮衝雪青林寒帶霜蘆花獨戍晚柑實萬家香舊國欲
茲別輕舟眇未央百花亭漫漫一柱觀蒼蒼按俗荆南
牧持衡吏部郎逢君立五馬應醉習家塘

龍門送裴侍御監五嶺選

萬里番禺地宮人繼帝憂君為柱下史將命出東周歇
馬傍川路張燈臨石樓稜稜靜疎木漚漚響寒流榔葉
四荒外梅花五嶺頭明珠尉佗國翠羽夜郎洲夷俗富
珍產土風資宦遊心清物不雜弊革事無留舉善必稱

最持姦當去尤何辭桂江遠今日用賢秋

送喬琳

草綠小平津花開伊水濱今君

一作令

不得意孤負帝鄉

春口不言金帛心常任屈伸阮公惟飲酒陶令肯羞貧

陽羨風流地滄江遊寓人菱歌五湖遠桂樹八公鄰青

鳥迎

一作迴

孤棹白雲隨一身潮隨秣陵上月映石頭新

未可逃名利應須在縉紳汀洲芳杜色勸爾暫垂綸

題少府監李丞山池

能向府亭內置茲山與林他人驕驕馬而我辟蘿心雨
止禁門肅鶯啼官柳深長廊閱軍器積水背城陰窓外
王孫草牀頭中散琴清風多仰慕吾亦爾知音

長壽寺榮公院新甃井

僧房來往久露井每同觀白石抱新甃蒼苔依舊欄空
瓶宛轉下長綆轆轤盤境界因心淨泉源見底寒鐘鳴
時灌頂對此日閒安

魏倉曹宅各賦一物得當軒石竹

羅生殊衆色獨為表華滋雖雜蕙蘭處無爭桃李時同
人趨府暇落日後庭期密葉散紅點靈條驚紫蕤芳菲
看不厭采摘願來茲

奉送五叔入京兼寄綦母三

雲陰帶殘日悵別此何時欲望黃山道無由見所思

寄韓鵬

為政心閒物自閒朝看飛鳥暮飛還寄書河上神明宰
美爾城頭姑射山

百一作白花原一作王昌齡出塞行

百一作白花原頭望京師黃河水流無已時一作盡期窮秋一作

秋曠野行人一作人行絕馬首東一作西來知是誰

遇劉五

洛陽一別梨花新黃鳥飛飛逢故人攜手當年共為樂
無驚蕙草惜殘春

送崔嬰赴漢陽

中外相連弟與兄新加小縣子男名纔年三十佩銅印

知爾弦歌漢水清

送五叔入京兼寄基母三

吏部明年拜官後
西城必與故人期
寄書春草年年色
莫道相逢玉女祠

野老曝背

百歲老翁不種田
惟知曝背樂殘年
有時捫虱獨搔首
目送歸鴻籬下眠

送東陽王太守

未缺

江臯杜蘅綠芳草日遲遲檣楫今何去星郎出守時彤
檐問風俗明主寄憐癡令下不徒爾人和當在茲昔年
經此地微月有佳期洞口桂花白巖前春草滋素沙靜
津瀨青壁帶川坻野鶴每孤立林鶻常畫悲

詠張謐山水

未缺

小山破體閒支策落日梨花照空壁詩堪記室妬


一作始

風流畫與將軍作勅敵

失題

未缺

紫極殿前朝伏奏龍華會裏日相望別離歲歲如流水
誰辨他鄉與故鄉



御定全唐詩卷一百三十四

欽定四庫全書

集部

御定全唐詩卷一百三十五
九

詳校官庶吉士臣胡 鈺

主事銜臣徐以坤覆勘

總校官知縣臣繆 琪

校對官中書臣高 中

謄錄監生臣竺清泰

欽定四庫全書

御定全唐詩卷一百三十五

綦母潛

綦母潛字季通荆南人開元十四年登進士第由宜壽尉入為集賢待制遷右拾遺終著作郎詩一卷

冬夜寓居寄儲太祝

一作薛據詩

自為洛陽客夫子吾知音盡一作愛義能下士時人無此

心奈何離居夜巢鳥悲

一作飛

空林愁坐至月上復聞南

隣砧

春泛若耶溪

幽意無斷絕此去隨所偶晚

一作好

風吹行舟花路入溪

口際夜轉西壑隔山望南斗潭煙飛溶溶林月低向後
生事且瀾漫願為持竿叟

題鶴林寺

道林

一作門

隱形勝向背臨層霄

一作法橋

松覆山殿冷花藏

谿路遙珊珊寶幡挂焰焰明燈燒遲日半空谷春風連

上潮少憑

一作適

水木興暫令身心調願謝攜手客茲山

禪誦

一作饒

題栖霞寺

南山勢迴合靈境依此住殿轉雲崖陰僧探石泉度龍
蛇爭翕習神鬼皆密護萬壑奔道場羣峰向雙樹天花
飛不著水月白成路今日觀身我

一作我身歸心復何處

送儲十二還莊城

西坂何繚繞青林問子家天寒噪野雀日晚度城鴉寂

歷道傍樹曛曛原上霞
茲情不可說長恨隱淪賒

送章彝下第

長安渭

一作潯

橋路行客別時心
獻賦溫泉畢無媒魏闕

深黃鶯啼就馬白日暗歸林
三十名未立君還惜寸陰

送崔員外黔中監選

持衡出帝畿星指夜郎飛
神女雲迎馬荆門雨濕衣
聽猿收淚罷繫鴈待書稀
蠻貊雖殊俗知君肝膽微

送賈恒明府蕪寄溫張二司戶

越客新安別秦人舊國情舟乘晚風便月帶上潮平花
路西施石雲峰句踐城明州報兩掾相憶二毛生

送宋秀才

冠古積榮盛當時數戟門舊交丞相子繼世五侯孫長
劍倚天外短書盈萬言秋風一送別江上黯消魂

送平判官入秦

一作盧象詩

謫遠自安命三年已忘歸同聲一作願執手驛騎到門
扉云是帝鄉去軍書謁紫微曾為金馬客向日淚沾衣

送鄭務拜伯父

名公作逐臣驅馬拂行塵舊國問鄒子勞歌過郢人一
川花送客二月柳宜春奉料竹林興寬懷此別晨

題招隱寺絢公房

開士度人久空巖

一作山

花霧深徒知燕坐處不見有為

心蘭若門對壑田家路隔林還言證

一作澄

法性歸去比

黃金

宿太平觀

夕到玉京寢宮冥雲漢低魂交仙室蝶曙聽羽人雞滴
瀝花上露清冷松下谿明當訪真隱揮手入無倪

題靈隱寺山頂禪院

招提此山頂下界不相聞塔影挂清漢鐘聲和白雲觀
空靜室掩行道衆香焚且駐西來駕人天日未曛

若耶溪逢孔九

相逢此溪曲勝託在煙霞潭影竹間動巖陰簷外一作際

斜人言

一作生

上皇代犬吠武陵家借問淹留日春風滿

一作
深歸若耶

宿龍興寺

香刹夜忘歸松青古殿扉燈明方丈室珠繫比丘衣
白日一作月傳心靜青蓮喻法微天花落不盡處處鳥銜飛

題沈東美員外山池

仙郎偏好道鑿沼衆瀛洲魚樂隨情性船行任去留
秦人辨雞犬堯日識巢由歸客衡門外仍憐返景幽

茅山洞口

華陽仙洞口半嶺拂雲看窈窕穿苔壁

一作陸

差池對石

壇方隨地脉轉稍覺水晶寒未果變金骨歸來茲路難

過方尊師院

羽客北山尋草堂松徑深養神宗示法得道不知心洞

戶逢雙履寥天有一琴

一作禽

更登玄圃上仍種杏成林

經陸補闕隱居

不敢要君徵亦起致君全得似唐虞謹言昨歎離天聽
新象今聞入縣圖琴鎖壞窗風自響鶴歸喬木隱難呼

學書弟子何人在點檢猶存諫草無

登天竺寺

郡有化城最西窮疊嶂深松門當澗口石路在峰心幽
見夕陽霽高逢暮雨陰佛身瞻紺髮寶地踐黃金雲向
竹谿盡月從花洞臨因物成真悟遺世在茲一作岑

滿公房

世界蓮花藏行人香火緣燈王照不盡中夜寂相傳

過融上人蘭若

一作孟浩然詩

山頭禪室挂僧衣窗外無人溪

一作水
一作越

鳥飛黃昏半在

下山路却聽鐘

一作泉
一作松

聲連

一作
總

翠微

早發上東門

十五能行

一作文

西入秦三十無家作路人時命不將明

主合布衣空染

一作
惹

洛陽塵

祇園寺

寶坊求徃跡神理駐沿洄鴈塔酬前願王身更後來加
持將瞑合朗悟豁然開兩世分明見餘生復幾哉

送集賢學士伊闕史少府放歸江東觀省

一作陶翰

詩

墨客鍾張侶材高吳越珍
千門來謁帝駟馬去榮親
吏邑沿清洛鄉山指白蘋
歸期應不遠當及未央春

御定全唐詩卷一百三十五

欽定四庫全書

御定全唐詩卷一百三十六

儲光羲

儲光羲兗州人登開元中進士第又詔中書試文章歷
監察御史祿山亂後坐陷賊貶官集七十卷今編詩四
卷

述韋昭應畫犀牛

遐方獻文犀萬里隨南金大邦柔遠人以之居山林食

金
卷一
棘無秋冬絕流無淺深雙角前嶄嶄三蹄下駸駸朝賢
壯其容未能辨其音有我衰鳥
一作哀鳥
一作衰鳳郎新邑長鳴
琴陛閣飛嘉聲丘甸盈仁心閒居命國工作繪北堂陰
耿耿若有神庶比來儀禽昔有舞天庭為君奏龍吟

獻王威儀

入與真主言有一作又騎天馬來但有華清宮不用神明
臺肅肅長自閒門靜無人開

野田黃雀行

嘖嘖野田雀不知軀體微閒穿深蒿一作裏裏爭食復爭

飛窮老一類

一作嘖

舍棗多桑樹稀無棗猶可

一作亦何

食無

桑何以衣蕭條空蒼暮相引時來歸斜路豈不捷

一作棲

渚田豈不肥水長路且壞

一作實

惻惻與心違

樵父詞

山北饒朽木山南多枯枝枯枝作採薪爨室私自詰
朝礪斧尋視暮行歌歸先雪隱薜荔迎暄卧茅茨清澗
日濯足喬木時曝衣終年登險阻不復憂安危蕩漾與

神遊莫知是與非

漁父詞

澤魚好鳴水溪魚好上流漁梁不得意下渚潛垂鉤亂
荇時礙楫新蘆復隱舟靜言念終始安坐看沈浮素髮
隨風揚遠心與雲遊逆浪還極浦信潮下滄洲非為徇
形役所樂在行休

牧童詞

不言牧田遠不道牧陂深所念牛馴擾不亂牧童心圓

笠覆我首長衰披我襟方將憂暑雨亦以懼寒陰大牛
隱層坂小牛穿近林同類相鼓舞觸物成謳吟取樂須
臾間寧問聲與音

采蓮詞

淺渚荇

一作荷

花繁深潭菱

一作塘菱

葉踈獨往方自得

一作獲

恥邀淇上姝廣江無術阡大澤

一作羅

絕方隅浪中海童

語流下鮫人居春雁

一作荻

時隱舟新萍復滿湖采采乘

日暮不思賢與愚

採菱詞

濁水菱葉肥，清水菱葉鮮。
義不遊濁水，志士多苦言。
潮沒具區藪，潦深雲夢田。
朝隨北風去，暮逐南風旋。
浦口多漁家，相與邀我船。
飯稻以終日，羹蓴一作蓴羹將永年。
方冬水物窮，又欲休山樊。
盡室相隨從，所貴無憂患。

射雉詞

曝暄理新翳，迎春射鳴雉。
原田遙一色，皋陸曠千里。
遙遙聞尹幄，聲時見雙飛。
起羈歷踈高下，稽稔深叢。
一作裏

顧敵已

一作仍

忘生爭雄方決死仁心貴勇義豈能復傷此

超遙下故墟迢遞回高時

一作軌

大夫昔何苦取笑歡妻子

猛虎詞

寒亦不憂雪飢亦不食人人肉

一作血

豈不甘所惡傷明神

太室為我宅孟門為我鄰百獸為我膳五龍為我賓蒙

一作畢

馬一何威浮江一

一作亦

以仁彩章耀朝日爪牙雄

武臣高雲逐氣浮厚地隨聲震君能賈餘勇日夕長相

親

渭橋北亭作

停車渭陽

一作橋

暮望望入秦京不見鵲鷺道如聞歌吹

聲鄉魂涉江水客路指蒲城獨有故樓月今來亭上明

述華清宮五首

天寶六載冬十月皇帝如驪山溫泉宮名其宮曰華清

上在蓬萊宮莫若居華清朝朝禮玄閣日日聞體輕大
聖不私已精禋為羣氓

上出蓬萊時六龍儼齊首長道舒羽儀彤雲映前後天
聲殷宇宙真氣到林藪

昔在軒轅朝五城十二樓今我神泉宮獨在驪山輒羣
方趨順動百辟隨天遊

正月開陽和通門緝元化穆穆睟容歸豈為明燈夜高
山大風起肅肅隨龍駕

上林神君宮此地即明庭山開鴻濛色天轉招搖星三
雪報大有孰為一作非我靈

雜詠五首

石子松

盤石青巖下松生盤石中
冬春無異色朝暮有清風
五鬣何人採西山舊兩童

架簷藤

得從軒墀下殊勝松柏林
生枝逐架遠吐葉向門深
何許答君子簷間朝暝陰

池邊鶴

舞鶴傍池邊水清毛羽鮮
立如依岸雪飛似向池泉
江海雖言曠無如君子前

釣魚灣

垂釣綠灣春
春深杏花亂
潭清疑水淺
荷動知魚散
日暮待情人
維舟綠楊岸

幽人居

幽人下山徑
去去夾

一作來

青林滑處莓苔濕
暗中蘿薜

深春朝煙雨
散猶帶浮雲陰

題太玄閣

門外車馬喧
門裏宮殿清
行即翳若木
坐即吹玉笙
所

喧既非我真道其冥冥

至嵩陽觀觀即天皇故宅

真人上清室乃在中峯前花霧生玉井霓裳畫列仙念
茲宮故宇多此地新泉松栢有清陰薜蘿亦自妍一聞
步虛子又話逍遙篇忽若在雲漢風中意泠然

貽韋鍊師

精思莫知日意靜如空虛三鳥自來去九光遙卷舒新
池近天井玉宇停雲車余亦苦山路洗心祈道書

霽後貽馬十二弼

高天風雨散清氣在園林
況我夜初靜當軒鳴綠琴
雲開北堂月庭滿南山陰
不見長裾者空歌遊子吟

題陸山人樓

暮聲雜初鴈夜色涵早秋
獨見海中月照君池上樓
山雲拂高棟天漢入雲流
不惜朝光滿其如千里遊

一作愁

獻八舅東歸

高位莫能捨捨之世所賢
雲車遊日華豈比龍樓前
寢

疾乃就枕情感唯靈仙帝鴻思道宗臣彭亦長年天書
加羽服又許歸東川鏡水涵太清禹山朝上玄誠亡真
混沌玉立方嬋娟素業作仙居子孫當自傳門多松栢
樹篋有逍遙篇獨往不可羣滄海成桑田

泛茅山東溪

清晨登仙峯峯遠行未極江海霽初景草木含新色而
我任天和此時聊動息望鄉白雲裏發棹清溪側松栢
生深山無心自真直

喫茗粥

當晝暑氣盛鳥雀靜不飛念君高梧陰復鮮山中衣數
片遠雲度曾不蔽炎暉淹留膳茶粥共我飲薜薇蔽廬
既不遠日暮徐徐歸

遊茅山五首

十年別鄉縣西去入皇州此意在觀國不言空遠遊九
衢平若水利往無一作輕舟北洛反初路東江還故丘

春一作青山多秀木碧澗盡清流不見子桑扈當從方外

求

世業傳儒行行成非不榮其如懷獨善況以聞長生家
近華陽洞早年深此情巾車雲路入理棹瑤溪行天地
朝光滿江山春色明王庭有軒冕此日方知輕

平生非作者望古懷清芬心以道為際行將時不羣茲
山在人境靈貺久傳聞遠勢一峰出

一作幽

近形千嶂分

冬春有茂草朝暮多鮮雲此去亦何極但言西日曛

昔賢居柱下今我去人間良以直心曠兼之外視閒垂

綸非釣國好學異希顏落日登高嶼悠然望遠山溪流

碧水去雲帶清陰還想見中林士巖扉長

一作久

不關

名嶽徵仙事清都訪道書山門入松栢天路涵

一作極空

虛南極見朝采

一作典

西潭聞夜漁遠心尚雲宿浪跡出

林居為已存實際忘形同化初此行良已矣不樂復何

如

述降聖觀

天寶七載十二月二日玄元皇帝降於朝元閣改為降聖閣

一山盡天苑一峰開道宮道花飛羽衛天鳥遊雲空玉

殿俯玄水春旗搖素風夾門小松栢覆井新梧桐自昔
大仙下乃知元化功神皇作桂館此意與天通

題晒上人禪居

真王清淨子燕居復行心結宇鄰居邑寤言非遠尋丹
青丈室滿草樹一庭深秀色玄冬發交枝白日陰江流
映朱戶山鳥鳴香林獨住已寂寂安知浮與沈

過新豐道中

西下長樂坂東入新豐道雨多車馬稀道上生秋草太

陰蔽臯陸莫知晚與早雷雨杳冥冥川谷漫浩浩詔書

植嘉木

二十八年
有詔植果

衆言桃李好自媿

一作顧

無此容歸從

漢陰老

夜到洛口入黃河

河洲多青草朝暮增

一作滋

客愁客愁惜朝暮枉渚暫

一作

聊停舟中宵大川靜解纜逐歸流浦溆既清曠汭洄非

阻修登艫望落月擊汰

一作楫

悲新秋倘遇乘槎客永言

星漢遊

使過彈箏峽作

鳥雀知天雪羣飛復羣

一作息復

鳴原田無遺象日暮滿空

城達士憂世務鄙夫念王程晨過彈箏峽馬足凌兢行
雙壁隱靈曜莫能知晦明皚皚堅冰白漫漫陰雲平始
信古人言苦節不可貞

泊舟貽潘少府

行子苦風潮維舟未能發宵分

一作風

卷前幔卧視清秋

月四澤蒹葭深中洲煙火絕蒼蒼水霧起落落踈星沒所

遇盡漁商與言多楚越其如念極浦又以思明哲

時潘在後浦

常若千里餘況之異鄉別

仲夏入園中東陂

方塘深且廣伊昔俯吾廬環岬垂綠柳盈澤

一作發紅潭

蕖上延北原秀下屬幽人居暑雨若混沌清明如空虛
此鄉多隱逸水陸見樵漁廢賞亦何貴為歡良易據且
言重觀國當此賦歸歟

效古二首

晨登涼風臺暮走邯鄲道曜靈何赫烈四野無青草大
軍北集燕天子西居鵠婦人役州縣丁男事征討老幼
相別離哭泣無昏早稼穡既殄絕川澤復枯槁曠哉遠
此憂冥冥商山皓

東風吹大河河水如倒流河洲塵沙起有若黃雲浮
霞燒廣澤洪曜赫高丘野老泣相語一作逢無地可蔭休

翰林有客卿獨負蒼生憂中夜起躑躅思欲獻厥謀君
門峻且深踈足空夷猶

雜詩二首

混沌

一作渾胚

本無象末路多是非達士志寥廓所在能忘

機耕鑿時未至還山聊采薇虎豹對我蹲鴟鴞傍我飛

仙人空中來謂我勿復歸格澤

一作揮

為君駕虹蜺

一作雲霓

為君衣西遊

一作近

崑崙墟可與世人違

秋氣肅天地太行高崔嵬援狄

一作馳

清夜吟其聲一何

哀寂寞掩圭華夢寐遊蓬萊琪樹遠亭亭玉堂雲中開

洪崖吹簫管玉

一作素

女飄飄來雨師既先後

一作洗

道作

路無纖埃鄙哉楚襄王獨好陽雲一作如臺

陸著作挽歌

陸為起居郎集賢院直學士贈著作郎吳郡人

世業江湖側郊原休沐處獨一作言五日歸未道千秋

去鄉亭春水綠昌閣寒光暮昔為畫錦遊今成逝川路

歸路秦城下寒雲慘平田故園滄海邊綠柳覆平川送

客異他日還舟殊昔年華亭有明月長向隴頭懸

劍水千人石荆江萬里流英英有君子才德滿中州明

道俟良佐惟賢初薄遊生一作涯一朝盡寂寞夜臺幽

金堂策令名仙掖居清位鳴玉朝雙闕垂纓遊兩地朝
夕既論思春秋仍書事何言魯聲伯忽下瓊珠淚
令德棄人世明朝降寵章起居存有位著作沒為郎寒
水落南浦月華虛北堂松門一長想彷彿見清揚

山居貽裴十二迪

落葉滿山砌蒼煙埋竹扉遠懷青冥士書劍常相依霜
卧眇茲地琴言紛已違衡陽今萬里南鴈將何歸出徑
惜松引入舟憐釣磯西林有明月夜久空微微

秦中歲晏馬舍人宅宴集

冬暮久無樂西行至長安故人處東第清夜多新歡廣
庭竹陰靜華池月色寒知音盡詞客方見交情難

薦玄德公廟

神道本無已成化亦自然君居寥天上德在玉華泉真
遊踐王一作玉豫永日遲雲仙表微在營道明祀將祈年

靈山俯新邑松上生彩煙豈知穆天子遠去瑤池邊

上長史王公責躬

覆舟無伯夷覆車無仲尼自咎失明義寧由貝錦詩松柏日已堅桃李日以滋顧已獨暗昧所居成蒺藜大賢薦時文醜婦用蛾眉惕惕愧不已豈敢論其私方朔既有言子建亦有詩惻隱及先世析薪成自悲靈鳥酬德輝黃雀報仁慈若公庶伏罪此事安能遲

至嶽寺即大通大照禪塔上溫上人

秋山下映宮宮色宜朝陽迢遞在半嶺參差非一行燕息雲滿門出遊花隱房二尊此成道禪宇遙相望鳳鐸

天中鳴巖梯松下長山墟響信鼓蘅薄生蕙香起滅一

以雪

一作息

往來亦誠亡悲哉門弟子要自知心長

終南幽居獻蘓侍郎三首時拜太祝未上

暮春天氣和登嶺望層城朝日懸清景巍峩宮殿明

聖君常臨朝達士復懸衡道近無良

一作良

足歸來卧山

楹靈堦曝仙書深室鍊金英春巖松栢秀晨路鶻雞鳴

羽化既有言無然悲不成

中歲尚微道始知將谷神抗策還南山水木自相親深

林開一道青嶂成四鄰平明去采薇日入行刈薪雲歸
萬壑暗雪罷千崖春始看玄鳥來已見瑤華新寄言寥
芳者無乃後時人

卜築青巖裡雲蘿四垂陰虛室若無人喬木自成林時
有清風至側聞樵採音鳳凰鳴南岡望望隔層岑既言
山路遠復道溪流深倏倏空中遊虬龍水間吟何當見
輕翼為我達遠心

題應聖觀

空中望小山山下見餘雪皎皎河漢女在茲養真骨登
門駭天書啓籙問仙訣池光搖水霧燈色連松月合甌
起花臺折草成玉節天雞弄白羽王母垂玄髮北有上

一作祈

年宮一路在雲霓上心方嚮道時復朝金闕

至閒居精舍呈正上人

即天后故宮

太室三招提其趣皆不同不同非一趣況是天遊宮雙
嶺前夾門閣道復橫空寶坊若花積宛轉不可窮流泉
自成池清松信饒風秋晏景氣迥晶明丹素功將近隱

者鄰遠與西山通大師假惠照念以息微躬

酬綦母校書夢耶溪見贈之作

校文在仙掖每有滄洲心况以一作此北窓下夢遊清溪

陰春看湖水一作口漫夜入迴塘深往往纜垂葛出舟望

前林山人松下飯釣客蘆中吟小隱何足貴長年固可

尋還車首東道惠言若黃金一作南金以我采薇意傳之天

姥吟

後五句一作勝遊在幽尋歷茲山水間
冷然若鳴琴中章謝來意愧莫酬知音

御定全唐詩卷一百三十六